

nem attendit, negativo quodam modo se intelligit, & hanc demum intellectio nem, faltem dignitatis, nature & distincte cognitionis ordine, præcedit intellectio Dei magis positiva, quippe rei perfectissimæ, primæ, dignissimæ.

II. Theologi plerique prius agunt de Scriptura sacra, quàm de Deo quamvis non modò ipse Deus, sed etiam cognitio Dei Scripturam distinctamque Scripturæ intellectio nem antecedit. Cur ergo vitio nobis vertant, quòd à mente nostra, cui Dei imago inscripta est, Philosophiam ordiamur, etiamsi Deus non tantum mente nostra prior existat, verum etiam cognitio Dei aliqua aliquâ cognitione mentis nostræ sit prior? De objectione posteriore alia sequitur Exercitatio.

## EXERCITATIO X

*Cogitationes nostras de Infinito non esse potius negativas quàm positivas existimandas.*

I. **V**ocabula, quibus in Dei attributis explicandis utimur, plurima esse negativa, minimè inficias imus: negamus verò *conceptus* nostros, quas habet mens humana, meditatione & studio sapientiæ excul-